



NOTULE VAN 'N SPESIALE VERGADERING VAN DIE SWARTLAND MUNISIPALE RAAD, GEHOUD IN DIE MALMESBURY BANKETSAAL OP DONDERDAG, 31 JANUARIE 2013 OM 11:00

TEENWOORDIG:

Speaker, rdh N J A Rust

Uitvoerende Burgemeester, rdh T van Essen

Uitvoerende Onderburgemeester, rdh M S I Goliath

Abrahams, M Z (DA)

Cleophas, J H (DA)

Cox-Bruintjies, Y S (TPICO)

Fortuin, C (ANC)

Geel, B W (DA)

Humphreys, F S (ANC)

Hunsinger, C H H (DA)

Papers, C H (DA)

Philander, D B (ANC)

Rangasamy, M (DA)

Sneewe, A M (ANC)

Stanley, B J (DA)

Stemele, O M (DA)

Van der Merwe, J I (COPE)

Van der Westhuizen, R F (DA)

Van Zyl, M (DA)

Wilskut, W (DA)

Zatu, N S (ANC)

Beampes:

Munisipale Bestuurder, mnr J J Scholtz

Direkteur: Beskermingsdienste, mnr P A C Humphreys

Direkteur: Elektriese Ingenieursdienste, mnr R du Toit

Direkteur: Finansiële Dienste, mnr K C Cooper

Direkteur: Korporatiewe Dienste, me M S Terblanche

Direkteur: Ontwikkelingsdienste, mnr J T Steenkamp

Direkteur: Siviele Ingenieursdienste, mnr A J Botha

Bestuurder: Sekretariaat en Rekords, me N Brand

1. OPENING

Pastoor Piet Smit van die AGS Corpus Christi Gemeente, Malmesbury open die vergadering met skriflesing en gebed op uitnodiging van die Speaker.

2. VERLOF TOT AFWESIGHEID

Verlof tot afwesigheid word verleen aan rdele C M Cloete en A C Sedeman.

3. VOORLEGGINGS/AFVAARDIGINGS/MEDEDELINGS DEUR AMPSDRAERS/BEAMPTES

'n Spesiale woord van verwelkoming word gerig aan lede van die publiek en die media.

Die Speaker dra sy gelukwense oor aan raadslede en beampes wat gedurende Desember en Januarie verjaar.

4. NOTULES VIR BEKRAGTING

Geen

5. SAKE VIR BESPREKING

5.1 RAADSLIDVERGOEDING: 2012/2013 FINANSIËLE JAAR (5/10/1)

Die verhoging in salarisse, toelaes en voordele van raadslede is op 7 Desember 2012 in Staatskoerant Nr. 35962 afgekondig.

5.1/...

Die nuwe aspekte t.o.v. die vergoedingspakket van raadslede, sowel as dié waaraan wysigings aangebring is, word deur die Munisipale Bestuurder uitgelig.

Die Speaker bring die aangeleentheid tot stemming en word dit beslis (in die afwesigheid van twee raadslede) met twintig stemme ten gunste daarvan, en een raadslid wat buite stemming bly.

BESLUIT

(op voorstel van rdl M van Zyl, gesekondeer deur rdl B W Geel)

- (a) Dat goedkeuring verleen word vir die 5,5% verhoging van raadslede se toelaes soos in Staatskoerant van 7 Desember 2012 afgekondig, terugwerkend vanaf 1 Julie 2012;
- (b) Dat kennis geneem word dat daar voldoende voorsiening in die 2012/2013 finansiële jaar se begroting gemaak is en dat die besparing bewerkstellig deur die nie-vergoeding van die Speaker tot en met 30 Junie 2013 'n surplus in die begroting vir raadslede sal bewerkstellig;
- (c) Dat voormelde goedkeuring, met inbegrip van die bewyse van bekostigbaarheid aan die betrokke LUR voorgelê word ten einde te voldoen aan die oorlegplegingsvereistes en die "affordability verification certificate" deur die Munisipale Bestuurder gesertifiseer word;
- (d) Dat enige **amptelike ritte** deur 'n raadslid mee gehandel word in terme van die Raad se bestaande Reis- en Verblyfbeleid, welke ritte en eise vooraf deur die Burgemeester goedgekeur moet word;
- (e) Dat die kwessie rakende die vergoeding vir mediesefondstoelae verwys word na Provinsiale Tesourie, aangesien die vertolking soos in die verslag verduidelik, 'n wesentliche finansiële implikasie vir die raadslid mag inhou, omrede dit in die verlede as deel van die raadslid se vergoedingspakket hanteer is;
- (f) Dat elke raadslid in terme van die Staatskoerant, paragraaf 13(c), self SASRIA-dekking uitneem, en dat die Raad met die voorlegging van die nodige bewyse 'n terugbetaling aan die raadslid maak en dat verder kennis geneem word dat hierdie terugbetaling deel van die Raad se vergoedingspakket sal vorm. Indien die Raad egter die SASRIA-dekking vooraf uitneem en die premie jaarliks vooruitbetaal word, sal hierdie handeling teenstrydig wees met MFMA-beginsels en sal dit neerkom op 'n voorskot aan die betrokke raadslid;
- (g) Dat alvorens die bepalinge van artikels 11 (datakaarte ten bedrae van R300/m) en artikel 14 ("tools of trade") uitvoering aan gegee word die aangeleentheid na die Uitvoerende Burgemeesterskomitee en administrasie verwys word vir oorweging van bekostigbaarheid.

5.2 WYSIGING VAN VERTEENWOORDIGING DEUR RAADSLEDE OP INTERNE EN EKSTERNE KOMITEES (3/1/1)

Die Uitvoerende Burgemeester lê die wysigings voor aan die lys van verteenwoordiging deur raadslede op interne en eksterne komitees. Rdh T van Essen verduidelik die redes vir die instelling van artikel 80-komitees ingevolge die Strukturewet.

Die aangeleentheid word tot stemming gebring en beslis (in die afwesigheid van twee raadslede) met vyftien stemme ten gunste daarvan, en ses raadslede wat buite stemming bly.

BESLUIT

(op voorstel van rdh T van Essen, gesekondeer deur rdl R F van der Westhuizen)

- (a) Dat die Raad goedkeuring verleen vir die instelling van artikel 80-komitees wat as volg saamgestel is:

Administrasie en/...

5.2(a)/...

Administrasie en Finansieskomitee

Voorsitter vir Finansies: rdl C H H Hunsinger

Voorsitter vir Administrasie: rdl M Van Zyl

Ondervoorsitter: rdh N J A Rust

Onderburgemeester, rdle O M Stemele, M Rangasamy, A C Sedeman, B W Geel, J H Cleophas, M Z Abrahams, C M Cloete, F S Humphreys, Y S Cox-Bruintjies;

Siviel- en Elektriese Dienste

Voorsitter: rdl R F van der Westhuizen

Ondervoorsitter: rdl O M Stemele

Onderburgemeester, rdle W Wilskut, C H Papers, N J A Rust (rdh), M van Zyl, M Z Abrahams, B J Stanley, J H Cleophas, C Fortuin, N S Zatu, J I van der Merwe;

Ontwikkelings- en Beskermingsdienste

Voorsitter vir Ontwikkelingsdienste: rdl W Wilskut

Voorsitter vir Beskermingsdienste: rdl M van Zyl

Ondervoorsitter: rdl A C Sedeman

Onderburgemeester, rdle B J Stanley, B W Geel, M Rangasamy, C H Papers, R F van der Westhuizen, C H H Hunsinger, A M Sneewe, D B Philander en J I van der Merwe;

- (b) Dat rdl Y S Cox-Bruintjies aangewys word as voorsitter van die Munisipale Publieke Rekeningekomitee (MPAC);
- (c) Dat die Raad verder goedkeuring verleen vir die res van die wysigings soos gesirkuleer met die sakelys (sien aanhangsel) ten opsigte van die verteenwoordiging deur raadslede op interne en eksterne komitees.

5.3 **VOORLEGGING VAN KONSEP JAARVERSLAG: 2011/2012 FINANSIËLE JAAR (7/1/1/1 MY)**

'n Afskrif van die konsep jaarverslag vir die 2011/2012 finansiële jaar is ingevolge artikel 127 van die MFMA ter tafel gelê.

Die Uitvoerende Burgemeester meld dat die jaarverslag op die "nuwe formaat" soos voorgeskryf deur Nasionale Tesourie opgestel is, en dat dit baie probleme meegebring het. Rdh T van Essen doen 'n beroep op alle raadslede om die inhoud van die jaarverslag noukeurig deur te gaan vir evalueringdoeleindes.

BESLUIT

(op voorstel van rdh T van Essen, gesekondeer deur rdl R F van der Westhuizen)

- (a) Dat kennis geneem word van die konsep jaarverslag vir die 2011/2012 finansiële jaar soos voorgelê in terme van artikel 127(2) van die MFMA, welke voorlegging in die "nuwe" formaat soos voorgeskryf deur MFMA Omsendbrief 63 van 2012 van Nasionale Tesourie, gedoen is;
- (b) Dat kennis geneem word van die opvolgaksies waaraan in terme van artikel 130 van die MFMA uitvoering gegee sal word, te wete:
- (i) die openbaarmaking van die jaarverslag;
 - (ii) die rig van 'n uitnodiging aan die publiek om verhoë daaromtrent te rig;
 - (iii) uitnodiging aan die publiek en die relevante staatsorgane om die spesiale raadsvergadering op 28 Maart 2013 by te woon, wanneer die jaarverslag en oorsigverslag bespreek sal word;
 - (iv) voorlegging van die jaarverslag aan die Ouditeur-Generaal, provinsiale tesourie en die provinsiale departement verantwoordelik vir plaaslike regering;
- (c) Dat die MPAC adviserende lede wat nie lede van die Raad is koöpteer vir doeleindes om die jaarverslag te evalueer, ingesluit die volgende:
- die eksterne finansiële ouditkomitee
 - 'n wykskomiteelid vir die prestasie-assesseringspaneel;

5.3/...

- (d) Dat lede van die wykskomitees ook 'n uitnodiging gerig sal word om (1) die MPAC-vergadering op 6 Maart 2013 en (2) die spesiale raadsvergadering op 28 Maart 2013 by te woon;
- (e) Dat raadslede wat nie op die MPAC dien nie, kennis neem dat dit ook van hulle verwag word om hul eie evaluering van die jaarverslag te doen, onder andere in konsultasie met hul kiesers, wykskomitees en wyksverteenwoordigers om insette en kommentare aan te moedig vir oorweging by die volle raadsvergadering op 28 Maart 2013.

5.4 VERSLAG VAN DIE OUDITEUR-GENERAAL OOR DIE FINANSIËLE STATE EN PRESTASIE INLIGTING VAN MUNISIPALITEIT SWARTLAND VIR DIE JAAR GEËINDIG 30 JUNIE 2012 (5/15/12)

Die verslag van die Ouditeur-Generaal met gepaardgaande kommentaar is met die sakelys gesirkuleer.

Die Munisipale Bestuurder meld dat die konsep jaarverslag deur die kantoor van die Ouditeur-Generaal nagegaan is, en dat paragraaf 10 van die ouditverslag gevolglik geskrap kan word.

BESLUIT

(op voorstel van rdh M S I Goliath, gesekondeer deur rdl O M Stemele)

Dat die verslag van die Ouditeur-Generaal vir die jaar geëindig 30 Junie 2012 goedgekeur word.

5.5 ONGEMAGTIGDE UITGAWE 2011/2012 (5/1/2-2012/2013)

Die verslag tot die sakelys bevat 'n uiteensetting van die ongemagtigde uitgawes wat met die opstel van die 2011/2012 finansiële state ontdek is.

Die Munisipale Bestuurder verduidelik die verskil tussen ongemagtigde uitgawes en onreëlmatige uitgawes en dat eg. slegs met 'n aansuiweringsbegroting en die goedkeuring van die Raad reggestel mag word.

BESLUIT

(op voorstel van rdl J H Cleophas, gesekondeer deur rdl C H Papers)

- (a) Dat die ongemagtigde uitgawes ten bedrae van R3 808 563 vir kapitale uitgawes en R4 455 305 vir bedryfsuitgawes, in totaal R8 263 686, as volg goedgekeur word:

(i) CAPITAL:

DEPARTMENT	APPROVED ADJUSTMENT BUDGET	UNAUTHORIZED EXPENDITURE	BUDGET TO BE APPROVED
Water Distribution	R 2 224 000	R 516 644	R 2 740 644
Libraries	R 0	R 136 427	R 136 427
Development Services	R 1 171 000	R 3 042 470	R 4 213 470
IT Services	R 771 270	R 43 724	R 814 994
Policing and Law Enforcement	R 1 150 000	R 69 298	R 1 219 298
TOTAL:	R 5 316 270	R 3 808 563	R 9 124 833

(ii) OPERATING:

DEPARTMENT	APPROVED ADJUSTMENT BUDGET	UNAUTHORIZED EXPENDITURE	BUDGET TO BE APPROVED
Civil Services: Administration	R 2 159 560	R 296 024	R 2 455 584
Refuse removal	R 18 979 147	R 119 574	R 19 098 721
Corporate Services: Administration	R 6 397 151	R 197 735	R 6 594 886
Libraries	R 3 784 390	R 213 664	R 3 998 054
Financial Management Grant	R 1 250 000	R 349 683	R 1 599 683
Financial Service: Administration	R 24 026 347	R 2 173 937	R 26 200 284
Development Services: Administration	R 1 163 795	R 118 269	R 1 282 064
Caravan Park: Yzerfontein	R 1 188 755	R 19 159	R 1 207 914
Planning and Evaluations	R 5 277 397	R 122 975	R 5 400 372

DEPARTMENT	APPROVED ADJUSTMENT BUDGET	UNAUTHORIZED EXPENDITURE	BUDGET TO BE APPROVED
Occupational Health and Safety	R 739 343	R 5 844	R 745 187
Municipal Manager Administration	R 2 640 120	R 50 438	R 2 690 558
Protection Services: Administration	R 1 078 937	R 15 811	R 1 094 748
Fire Fighting	R 2 346 245	R 336 994	R 2 683 239
Licensing and Traffic services	R 4 051 221	R 265 647	R 4 316 868
Policing and Law enforcement	R 14 809 507	R 169 551	R 14 979 058
TOTAL:	R 89 891 915	R 4 455 305	R 94 347 220

- (b) Dat die kapitaalbegroting vir 2011/2012 met R3 808 563 verhoog word vanaf R99 610 838 na R103 419 401;
- (c) Dat die bedryfsbegroting vir 2011/2012 met R4 455 305 verhoog word vanaf R422 570 312 na R427 025 617.

5.6 HALFJAARLIKSE BEGROTINGS- EN PRESTASIE-EVALUASIE (2/4/2)

Artikel 72(1) van die Wet op Munisipale Finansiële Bestuur (MFMA), Wet 56 van 2003, bepaal dat die rekenpligtige beampste teen 25 Januarie van elke jaar die prestasie van die Munisipaliteit gedurende die eerste helfte van die finansiële jaar moet evalueer.

Die Uitvoerende Burgemeester behandel die verslag en meld dat die dokumente baie volledig is en opgestel is op die formaat soos voorgeskryf deur Nasionale en Provinsiale Tesourie.

BESLUIT

(op voorstel van rdh T van Essen, gesecondeer deur rdl O M Stemele)

- (a) Dat kennis geneem word van die halfjaarlikse begrotings- en prestasie-evaluasie met betrekking tot die eerste helfte van die 2012/13 finansiële jaar soos voorgelê in terme van artikel 54(1)(f) van die MFMA;
- (b) Dat, in opvolg op bogenoemde [en met verwysing na regulasie 23(1)], 'n aansuiweringsbegroting op die 2012/13 begroting ter tafel gelê word;
- (d) Dat die Strategiese Bestuurder in samewerking met die Direkteur: Finansiële Dienste verseker dat, in terme van artikel 72 van die MFMA, sowel as regulasie 35, die halfjaarlikse begrotings- en prestasie-evaluasie verslag:
- (i) ingedien word by Nasionale Tesourie en Provinsiale Tesourie, in beide gedrukte en elektroniese formaat, op 25 Januarie 2013; en
 - (ii) in terme van regulasie 34(1), **teen nie later nie as 1 Februarie 2013**, op die webtuiste geplaas word vir publieke insae.

5.7 AANSUIWERINGSKAPITAAL EN –BEDRYFSBEGROTING VIR DIE 2012/2013 FINANSIËLE JAAR (5/1/4, 5/1/1/1-12/13, 5/1/1/2-12/13)

[Rdl Stanley versoek dat indien daar enige raadslid is wat sy/haar belange ingevolge Bylae 1 van die Stelselwet, Wet 32 van 2000 wil verklaar, die geleentheid gebied moet word – geen belange word verklaar nie.]

Op versoek van rdl D B Philander word die volgende punte verder bespreek, naamlik:

- (1) Kommissie: Voorafbetaalde Elektrisiteit

Die Direkteur: Finansiële Dienste verduidelik dat die kommissie van vendors wat elektrisiteit namens die munisipaliteit verkoop, ooreenkomstig die omset van die dienstegelde wat by die vendor betaal word, bereken word. 'n Kommissie van 2,5% word ontvang vir elektrisiteitsverkope en 1% op diensterekening wat betaal word. Met die drastiese verhoging in die elektrisiteitstarief is daar dus nie voldoende hiervoor begroot nie.

Mnr K C Cooper meld verder dat die kommissiestruktuur gewysig is, en dat dit nou 'n besparing vir die Raad te weeg sal bring.

- (2) Okkupasiehuur/...

5.7/...

(2) Okkupasiehuur, Chatsworth: Wettigheid van ooreenkoms

Die Munisipale Bestuurder vertel die geskiedenis van die stigting van Chatsworth in die vroeë 1900's tot en met 2003 om 'n volledige agtergrond te skets omtrent die problematiek rondom die sg. swartdot-erwe en om grond te bekom vir die Chatsworth Behuisingsprojek.

Daar is met Korjon ooreengekom tydens die grondruiltransaksie dat alle inwoners vanaf lg. se eiendom teen Maart 2012 verskuif sal wees, waarna Korjon geregtig is op okkupasiehuur. Die ooreenkoms is aangegaan in die lig daarvan dat alle huisgesinne in die Chatsworth Behuisingsprojek geakkommodeer sal word.

Ongeveer 25 huisgesinne het egter nie gekwalifiseer vir 'n HOP-huis nie, en het dus op Korjon eiendom agtergebly.

[Rdl D B Philander roep 'n punt van orde, aangesien die navraag handel met die wettigheid van die ooreenkoms met Korjon.]

Mnr Scholtz gaan verder om die problematiek te verduidelik om grond in die hande te kry om die ongeveer 25 huisgesinne te hervestig. Hy bevestig dat 'n wettige ooreenkoms met Korjon bestaan, maar dat dit nie 'n maklike proses is om die persone te hervestig nie.

(3) Algemene waardasie

Die Direkteur: Ontwikkelingsdienste verduidelik dat die oorspandering die gevolg is van die vorige diensverskaffer se nalatigheid om volledige data aan die munisipaliteit beskikbaar te stel. Dit het gevolg gehad dat die nuwe diensverskaffer addisionele werk (op ongeveer 7000 eiendomme) moes verrig, om met die waardasie van eiendomme voort te gaan.

Mnr J T Steenkamp bevestig dat regsaksies ingestel is teenoor die voormalige diensverskaffer ten einde op te maak vir die verlies wat die Raad gelei het.

Die aanbevelings voor die Raad word tot stemming gebring en beslis (in die afwesigheid van twee raadslede) met twintig raadslede ten gunste daarvan en een raadslid wat buite stemming bly.

BESLUIT

(op voorstel van rdl C H H Hunsinger, gesekondeer deur rdl M Z Abrahams)

- (a) Dat goedkeuring verleen word vir die veriment van fondse tussen kapitaalprojekte soos aangedui in Aanhangsel A van kapitaalitems ten opsigte van die Aansuiweringskapitaalbegroting vir 2012/2013, asook ongespandeerde kapitaal en nuut voorgestelde projekte vir 2012/2013 as gevolg van die noodsaaklikheid daarvan;
- (b) Dat die nodige statutêre dokumentasie afgehandel word in terme van die MFMA en dat die Nasionale en Provinsiale Tesourie dienooreenkomstig ingelig word;
- (c) Dat die aanpassing geen verhoogde finansiële implikasie vir die Raad inhou in terme van verhoogde tariewe vir die 2012/2013 finansiële jaar nie;
- (d) Dat goedkeuring verleen word vir die oordra van ongespandeerde fondse vanaf staatstoekennings t.o.v. die 2012/2013 finansiële jaar (Aanhangsel C), soos aangedui in die Raad se finansiële state op 30 Junie 2012;
- (e) Dat goedkeuring verleen word om die kapitaal- en bedryfsbegroting vir 2012/2013 as volg te wysig:

Kapitaal:	R 86 848 463	na	R 89 008 975
*Bedryfsuitgawe:	R 439 237 837	na	R 436 386 824
*Bedryfsinkomste:	R 413 711 316	na	R 422 971 862
Surplus/Tekort:	-R 25 526 520	na	-R 13 414 961

5.7/...

- (f) Dat die Raad kennis neem dat die finale inkomstes en uitgawes soos gerapporteer in die B-skedules aan Nasionale en Provinsiale Tesourie sal verskil van die syfers in ProMun, omrede die departementele kostes verskillend toegepas word. Nieteenstaande bly die resultaat in terme van die surplus en tekort onveranderd.

5.8 VOORGESTELDE VERVREEMDING VAN ERWE 541, 5607, 1671 EN GEDEELTES VAN ERF 2596, 5602 EN 532, MALMESBURY AAN DIE WESKUS KOLLEGE (12/2/R)

Die Munisipale Bestuurder behandel die verslag en verwys na die munisipale waardasies soos bepaal deur Suid-Kaap Waardeerders wat geag te word "billike markwaarde" vir die grond te wees.

Van die grondwaardes word egter beïnvloed deur die nie-beskikbaarheid van direkte toegang tot strate en serwitute wat oor die grond geregistreer moet word.

Mnr J J Scholtz noem dat 'n proses van openbare mededinging gevolg sal word ten opsigte van die privaat ontwikkeling van 'n gedeelte van erf 2596, aangesien daar nie aan McDonalds se versoek om 'n langtermyn huurkontrak aan te gaan, voldoen kan word nie.

BESLUIT

(op voorstel van rdl C H H Hunsinger, gesekondeer deur rdh M S I Goliath)

A. Ten aansien van *McDonalds* se versoek

- (a) Dat daar kennis geneem word van *McDonalds* se versoek van 2 November 2012 om 'n lang termyn huurooreenkoms te sluit, maar dat daar nie aan die versoek voldoen kan word nie, aangesien langtermyn verhuur aan die privaatsektor ook deur middel van openbare mededinging moet geskied en dat die eindresultaat daarvan uiteraard nie gewaarborg kan word nie;

B. Ten aansien van die Weskus Kollege se versoek

- (b) Dat aangesien erwe 541, 5607, 1671 en die tersaaklike gedeeltes van erf 2696, 5602 en 532, Malmesbury nie benodig word vir die verskaffing van die minimum vlak van munisipale dienste nie en as 'surplus' beskou word tot die vereistes/behoefte van die munisipaliteit, die Raad goedkeur dat dit uit hoofde van artikel 20(f)(i) van die *Municipal Asset Transfer Regulations*¹ ten bedrae van R5 006 099,00 (BTW uitgesluit) vervreem word aan die Weskus Kollege, as synde 'n staatsorgaan;
- (c) Dat die verkoop onderhewig sal wees aan die volgende:
- dat die Raad se voorneme van vervreemding, met inbegrip van besonderhede van die erf groottes, verkoopprijs en die begunstigde geopenbaar word by wyse van 'n kennisgewing in die plaaslike media;
 - die registrasie van 'n serwituut soos aangetoon op die diagram in Aanhangsel B oor erf 1671, vir gebruik as publieke loopruimte;
 - 'n verpligting op die koper om enige kostes verbonde aan die opgradering van grootmaat- en interne dienste te dra;
 - die koper op eie koste die vereiste aansoek om hersonering moet indien en gebonde sal wees aan die goedkeuringsvoorwaardes wat die Munisipaliteit in hierdie verband mag opleë;
 - oordrag van die eiendom deur die Raad se prokureur behartig sal word en die koper aanspreeklik sal wees vir die kostes verbonde aan die opstel van 'n koopooreenkoms asook alle oordrags- en ander kostes wat uit die transaksie voortspruit;
- (d) Dat die huurders van die Roelcor-gebou ingevolge die bestaande huurooreenkoms en die toepaslike kennisgewingstydperke kennis gegee word om die eiendom te ontruim;

¹ slegs in Engels uitgegee

5.8/...

- (e) Dat kennis geneem word dat daar met die Malmesbury Duiweklub, wat tans ingevolge 'n huurooreenkoms in 'n struktuur op erf 1671 geakkommodeer word, in gesprek getree sal word oor hul verskuiwing na munisipale eiendom elders.

5.9 GEDRAGSKODE VIR RAADSLEDE: VERKLARING VAN BELANGE (3/1/1)

Ingevolge item 7 van die Gedragskode vir Raadslede moet raadslede binne 60 dae na hul verkiesing, asook jaarliks daarna, hul finansiële belange op skrif verklaar, asook geskenke wat in waarde die bedrag van R1 000,00 oorskry.

BESLUIT

(op voorstel van rdl B J Stanley, gesekondeer deur rdl C H Papers)

- (a) Dat raadslede kennis neem dat enige veranderinge in die aard of detail van die finansiële belange van 'n raadslid soos na verwys in Item 7 van die Gedragskode vir Raadslede, **jaarliks op skrif aan die Munisipale Bestuurder verklaar moet word**, ingesluit geskenke wat deur 'n raadslid ontvang word en wat in waarde R1 000,00 oorskry;
- (b) Dat kennis geneem word dat enige wysigings van die besonderhede soos na verwys in paragraaf (a), teen nie later nie as 15 Februarie 2013 by die Direkteur: Korporatiewe Dienste ingedien moet word.

**GETEKEN:
SPEAKER**